



# **LAPORAN LIPUTAN MEDIA**

**AHAD / 03 MAC 2019**

- 1. 23 KAWASAN DI SABAH SEMINGGU TANPA HUJAN**
  - **BERITA HARIAN**
- 2. FENOMENA CUACA PANAS “KERING 23 HARI”**
  - **METRO AHAD**
- 3. MUSANG KING SUMBER PENDAPATAN BAHARU KEDAH**
  - **KOSMO**

**DISEDIAKAN OLEH :**

**CAWANGAN KOMUNIKASI KORPORAT**

**( MADA )**

# KERATAN AKHBAR : BERITA HARIAN

TARIKH : 03 MAC 2019

PERKARA : PERTANIAN

BH AHAD 3 Mac 2019



(FOTO MALAI ROSMAH TUAH/BH)

Kawasan tanah dan rumput yang kering di Pasir Putih, Putatan berikutan cuaca panas dan kekurangan hujan dialami di Sabah ketika ini.

## 23 kawasan di Sabah seminggu tanpa hujan

Jabatan Meteorologi ramal cuaca panas, kering berterusan sehingga akhir April

Oleh Mohd Izham Unnip Abdullah  
thaddius@bh.com.my

Kota Kinabalu

Sebanyak 23 lokasi di Sabah merekodkan 'hari tanpa hujan' melebihi tujuh hari berturut-turut dengan Stesen Meteorologi Lapangan Terbang Sandakan mencatat jumlah tertinggi di seluruh negara, iaitu 23 hari berturut-turut sehingga semalam.

ia diikuti pekan Tunku, Lahad Datu sebanyak 22 hari, Pertanian Ulu Dusun, Sandakan (19 hari); Tumunong Hallu, Lahad Datu (18 hari); Stesen Meteorologi Lahad Datu (17 hari) dan Kota Kinabatangan, Kinabatangan (17 hari).

Kedadaan panas dan kering itu menyebabkan beberapa kawasan mula berdepan



Azemi Daud

masalah air dengan Pejabat Daerah Kota Belud setakat ini mengesyharkan daerah itu dilanda bencana alam kemarau dengan sebuah kampung terjejas teruk kekurangan sumber air graviti.

Jabatan Meteorologi memramalkan cuaca panas dan kering melanda Sabah ketika ini akan berterusan sehingga akhir April depan.

Pengarah Jabatan Meteorologi Sabah, Azemi Daud, berkata berdasarkan rekod yang dikumpul pihaknya, hujan terkini dicatat lapan hari lalu di Pusat Ternakan Wario, Kota Belud; Stesen Meteorologi Ranau (sembilan hari lalu) dan Laban Rata, Gunung Kinabalu (10 hari lalu).

Katanya, lima lokasi lain turut mencatat 10 hari berturut-turut tanpa hujan iaitu di Pertanian Semporna; Sub Stesen Serinsim, Kota Marudu; Jabatan Pertanian Mesilau, Kundasang; Ladang Tiger serta Stesen Meteor-

ologi Lapangan Terbang Tawau di Tawau.

### Jumlah hujan dijangka merosot

Beliau berkata, kawasan Tuaran-Mensilau, Pertanian Telupid, Stesen Meteorologi Keningau, Pertanian Nabawan; Stesen Meteorologi Lapangan Terbang Antarabangsa Kota Kinabalu (KKIA); Babagon, Penampang dan Kiulu, Tuaran mencatat 11 hari berturut-turut tanpa hujan, manakala Pulau Banggi dan Stesen Meteorologi Lapangan Terbang Kudat masing-masing mencatat 12 hari dan 13 hari tanpa hujan.

"Secara keseluruhan jumlah hujan dijangka merosot antara 40 peratus hingga 50 peratus di seluruh Sabah sepanjang Mac, khususnya di kawasan utara, Sandakan, Tawau dan pantai barat. Bagi kawasan lain merosot antara 20 peratus hingga 40 peratus berbanding kadar biasa khususnya mulai April," katanya kepada BH, di sini, semalam.

Beliau berkata, keadaan itu ada kaitan dengan fenomena el-nino lemah yang diramal boleh berlaku dengan kebarangkalian antara 50 peratus hingga 60 peratus bermula Mei depan dengan kesannya hanya dirasai di Sabah dan utara Sarawak.

[FOTO BERNAMA]



**Madili Riou menunjukkan saluran air ke sawah kering kontang berikutan cuaca panas melanda Kota Belud sejak sebulan lalu.**

# KERATAN AKHBAR : METRO AHAD

TARIKH : 03 MAC 2019

PERKARA : PERTANIAN



MADILU Riau, 55, meninjau keadaan tanah sawah padirinya yang merekah  
berikutan cuaca panas di daerah Kota Belud sejak sebulan lalu.

METRO AHAD

METRO AHAD

**FENOMENA CUACA PANAS**

# KERING 23 HARI

■ 23 lokasi di Sabah rekod hari tanpa hujan berterusan melebihi tujuh hari

**Kota Kinabalu**

Stesen Meteorologi Lapangan Terbang Sandakan mencatat jumlah hari tanpa hujan yang tertinggi di seluruh negara iaitu 23 hari berturut-turut sehingga kelmarin.

Di antara 23 lokasi di Sabah merekodkan hari tanpa hujan melebihi tujuh hari berturut-turut.

Lokasi lain ialah pekan Tungku, Lahad Datu sebanyak 22 hari, Pertanian Ulu Dusun, Sandakan (19 hari), Tumunong Hallu, Lahad Datu (18 hari), Stesen Meteorologi Lahad Datu (17 hari) dan Kota Kinabatangan (17 hari).

Pengarah Jabatan Meteorologi Sabah, Azemi

Mohd Izham Unnip Abdullah, Siti Nor Hidayatidayu Razali dan Ekhwan Haque Fazlul Haque cnews@nsp.com.my

Daud berkata, berdasarkan rekod yang dikumpulkannya, hujan terkini dicatat Lapar hari lalu di Pusat Terakan Waris, Kota Belud, Stesen Meteorologi Ranau (sembilan hari lalut dan Laban Rata, Gunung Kinabalu (10 hari lalu).

Katanya, lima lokasi lain turut mencatat 10 hari tanpa hujan berturut-turut iaitu di Pertanian Semporna, Sub Stesen Serinsim, Kota Marudu, Jabatan Pertanian Mesilau, Kundasang, Ladang Tiger serta Stesen Meteorologi Lapangan Terbang Tawau di Tawau.

Bellau berkata, kawasan Tuaran, Mehsilau, Pertanian Telupid, Stesen Meteorologi Keningau, Pertanian Nabawan, Stesen Meteorologi Lapangan Terbang Antarabangsa Kota Kinabalu (KKIA), Babagon, Penampang dan Kulu, Tuaran mencatat 11 hari berturut-turut tanpa hujan, manakala Pulau Bangi dan Stesen Meteorologi Lapangan Terbang Kudat masing-masing mencatat 12 hari dan 13 hari tanpa hujan.

Secara keseluruhan jumlah hujan dijangka merosot antara 40 hingga 50 peratus di seluruh Sabah sepanjang Mac khususnya di kawasan utara, Sandakan, Tawau dan pantai barat.

“Bagi kawasan lain, ia merosot antara 20 hingga 40 peratus berbanding kadar

biasa khususnya mulai April,” katanya, semalam.

Sementara itu, katanya pihaknya memramalkan cuaca panas dan kering yang melanda Sabah ketika ini berterusan sehingga akhir April depan.

Bellau berkata, keadaan itu ada kaitan dengan fenomena El-nino kemah yang dimarah boleh berlaku dengan kebarangkalian antara 50 hingga 60 peratus dengan kesannya hanya dirasai di Sabah dan utara Sarawak.

Kedua panas dan kering itu menyebabkan beberapa kawasan mula dengan Pejabat Daerah Kota Belud setakat ini mengisytiharkan daerah itu dilanda bencana alam kemarau dengan sebuah kampung terjejas teruk yang kekurangan sumber air graviti.

Hujan dijangka merosot antara 40 hingga 50 peratus di seluruh Sabah sepanjang Mac, khususnya di kawasan utara, Sandakan, Tawau dan pantai barat”

Azemi

## KERATAN AKHBAR : KOSMO

TARIKH : 03 MAC 2019

PERKARA : PERTANIAN

---



AZMAN (dua dari kanan) menikmati durian musang king sempena Pesta Durian 2019 di perkarangan Stadium Darul Aman di Alor Setar semalam.

# Musang King sumber pendapatan baharu Kedah

ALOR SETAR - Kedah bakal menjadi antara pengeksport durian bervarieti tinggi seperti Musang King, Duri Hitam dan D24 apabila projek tanamannya di Kulim, Sik serta Baling mengeluarkan hasil dalam tempoh tiga tahun dari sekarang.

Pengerusi Jawatankuasa Pertanian dan Asas Tani, Pengangkutan dan Industri Utama negeri, Azman Nasrudin berkata, sehingga kini, 30 petani di negeri ini sudah mula menanam pokok durian jenis itu di tanah

seluas 50 hektar sejak tahun lalu.

Beliau berkata, projek itu yang dijalankan dengan pementauan dan bimbingan daripada Jabatan Pertanian Negeri, dijangka mampu mengeluarkan durian sekitar 1,500 metrik tan per hektar dengan setiap hektar dijangka menghasilkan sebanyak 30 metrik tan.

"Daerah Kulim, Sik dan Baling dipilih berikutan bentuk muka bumi serta tanah yang sesuai selain menggalakkan petani di

Kubang Pasu, Padang Terap dan Yan untuk terlibat dengan tanaman durian jenis ini," katanya kepada pemberita selepas merasmikan Pesta Durian 2019 di perkarangan Stadium Darul Aman di sini semalam.

Dalam pada itu, Azman berkata, kerajaan negeri menggalakan lebih ramai lagi pemilik dusun di negeri ini membuat pemuliharaan semula dusun dengan beralih kepada pokok durian yang mendapat harga dan permintaan yang tinggi. - Bernama